

PREČIŠĆEN TEKST

Na osnovu člana 13. stav 1. Zakona o pripadnosti javnih prihoda u Federaciji Bosne i Hercegovine /"Službene novine Federacije BiH", broj: 22/06/, člana 36. Zakona o principima lokalne samouprave u Federaciji BiH /"Službene novine FBiH", broj: 49/06/ i člana 23. Statuta općine Žepče /"Službeni glasnik Općine Žepče", broj: 4/09/, Općinsko vijeće Općine Žepče je na svojoj 12. sjednici od 22.12.2009.godine i na 3. sjednici od 31.01.2013. godine, d o n i j e l o

O D L U K U

o visini takse za korištenje komunalnih pogodnosti
pri obavljanju djelatnosti prema istaknutoj tvrtki ili nazivu

Član 1.

Radi osiguranja finansiranja javne infrastrukture, ovom odlukom utvrđuju se obveznici, visina, način obračuna i plaćanja takse za korištenje komunalnih pogodnosti koje imaju pravne i fizičke osobe pri obavljanju gospodarskih i drugih registriranih djelatnosti i korisnici njihovih usluga.

Član 2.

Obveznici komunalne takse po osnovu tvrtke ili naziva / u daljem tekstu: "takse"/ su sve pravne i fizičke osobe registrirane za obavljanje djelatnosti /imaoci tvrtke/firme ili naziva/ na području općine Žepče putem osnovnog oblika organiziranja ili odgovarajuće poslovne i druge jedinice.

Član 3.

Taksa se plaća za sjedište poslovnog subjekta i za svaku lokacijski izdvojenu poslovnu jedinicu, prodajno mjesto ili drugi prostor u kojem se obavlja registrirana djelatnost, a za koje prema važećim propisima postoji obaveza isticanja tvrtke ili naziva.

Kriteriji za utvrđivanje, obračun i naplatu takse su:

- vrsta djelatnost koju obavlja određeno pravno ili fizičko lice uključujući obim usluga i
- lokacija na kojoj se obavlja djelatnost.

Takse se plaćaju u slijedećim godišnjim iznosima:

a/ Pravne osobe;

- oblast trgovine i ugostiteljstva	800,00 KM
- oblast PTT, elektro i telekomunikacije	3.000,00 KM
- finansijske organizacije /banke, osiguravajuće kuće, agencije i sl./	3.000,00 KM
- javna preduzeća ili društva	1.000,00 KM
- oblast prodaje i distribucije nafte i naftnih derivata	1.600,00 KM
- igre na sreću i kladionice	2.600,00 KM
- ostali	600,00 KM
- bankomati	750,00 KM

b/ Fizičke osobe:

- ugostiteljske radnje u kojima se toči alkoholno piće	500,00 KM
- ugostiteljske radnje u kojima se ne toči alkoholno piće	375,00 KM
- trgovinske i mesarske radnje	375,00 KM
- pekarske radnje	250,00 KM

- specijalizirane prodavnice za prodaju kruha, mlijeka, jaja, voća i povrća	250,00 KM
- zanatske radnje /proizvodne i uslužne/	125,00 KM
- uredi za pružanje poslovnih, knjigovodstvenih, informatičkih i srodnih usluga	250,00 KM
- uredi za pružanje odvjetničkih, notarskih i projektnih usluga	500,00 KM
- radnje za proizvodnju zabavnih igara, videoteka i sl.	125,00 KM
- auto prijevoznici, auto škola, kombi prijevoz	250,00 KM
- taxi prijevoz	125,00 KM
- ostale ne pobrojane djelatnosti	125,00 KM

c/ Fizičke osobe koje porez na dobit plaćaju u godišnjem paušalnom iznosu 125,00 KM

Za svaku lokacijski izdvojenu poslovnu jedinicu, ekspozituru, ispostavu, prodavaonicu, radnju i sličan organizacijski oblik, pravne i fizičke osobe koje imaju sjedište na teritoriji općine Žepče plaćaju 50% od utvrđenih iznosa u stavu 2. ovog člana.

Pravnim i fizičkim osobama koje obavljaju više djelatnosti u okviru preduzeća, odnosno radnje, taksa će se razrezati prema visini takse za osnovu djelatnost.

Član 4.

Visina takse za korištenje komunalnih pogodnosti pri obavljanju djelatnosti po osnovu tvrtke ili naziva će se umanjivati za dodatnih 5% za svaku zonu gradskog i ostalog građevinskog zemljišta.

Zone gradskog i ostalog građevinskog zemljišta na području općine Žepče su:

I ZONA: uže gradsko područje pokriveno Regulacionim planom obuhvata Ulicu Prvu od zgrade Općine do rijeke Krajnjače i ul. Stjepana Tomaševića.

II ZONA: gradsko područje pokriveno Regulacionim planom obuhvata gradsko

Zemljište koje nije obuhvaćeno u I zoni, na istoku omeđeno regionalnim putem Žepče-Zavidovići, ul. Ulica Prva na zapadu do DP "Krivaja-Žepče", na sjeveru Željeznička pruga i na jugu rijeka Bosna.

III ZONA: gradsko područje pokriveno Regulacionim planom ulica Stjepana Radića i Ulica Prva koje nije obuhvaćeno u II zoni.

IV ZONA: gradsko područje obuhvaćeno Regulacionim planom Berek, Ciglane, Novo Naselje i Poslovni centar.

V ZONA: područje obuhvaćeno Prostornim planom, naseljena mjesta uz magistralnu cestu M17 cca 150 m od osovine i regionalnu cestu cca 100 m od osovine, a koja nisu obuhvaćena u zoni IV.

VI ZONA: ostala građevna zemljišta na području općine Žepče.

Nadležna Služba za graditeljstvo i prostorno uređenje Općine će Poreznoj upravi Federacije BiH – Ispostavi Žepče pružiti stručnu pomoć pri određivanju zona iz prethodnog stavka.

Član 5.

Od obveze plaćanja takse oslobađaju se: državni organi, društveno političke zajednice, mjesne zajednice, zdravstvene organizacije, amaterska sportska društva, udruženja umirovljenika, udruženja invalida, udruženja obitelji poginulih hrvatskih branitelja i šehida, vjerske ustanove, organizacije za kulturu, humanitarne organizacije, organi oružanih snaga BiH ako ne vrše privrednu djelatnost i političke stranke.

Član 6.

Obveznici uplate takse /član 2. i 3.Odluke/ u postupku realizacije obaveze iz ove Odluke, dužni su popunjenu "Prijava takse za komunalne pogodnosti – komunalne takse po osnovu tvrtke ili

naziva" /u daljem tekstu: Prijava/ podnijeti Poreznoj upravi FBiH - Ispostava Žepče do 31.03. tekuće godine, za koju se vrši utvrđivanje obaveze plaćanja.

Obveznici koji u toku godine započnu obavljati djelatnost dužni su podnijeti prijavu za uplatu takse u roku od 30 dana od dana početka obavljanja djelatnosti, a odgovarajući godišnji iznos im se umanjuje za 1/12 za svaki mjesec do početka poslovanja.

Taksa dospijeva za uplatu 15 dana nakon isteka roka za prijavu i plaća se u cjelokupnom godišnjem iznosu.

Na iznos neblagovremeno plaćene takse plaća se kamata u visini propisanoj važećim Zakonom o visini stope zatezne kamate na javne prihode u Federaciji BiH.

Razrez i naplatu takse iz člana 2. ove Odluke vrši nadležna porezna Ispostava porezne uprave Federacije BiH, u postupku propisanom Zakonom o Poreznoj upravi Federacije BiH.

Član 7.

Stupanjem na snagu ove Odluke prestaju važiti odredbe Odluke o visini komunalne takse i drugih naknada Općine Žepče broj:01-02-362/01 od 13.07.2001.godine sa Tarifnim brojem 1. Tarife komunalni takse općine Žepče, a koje se odnose na komunalnu taksu na tvrtku ili naziv, te Odluka o izmjeni Odluke o visini komunalne takse i drugih naknada broj:01-15-65/04 od 05.05.2004.godine i Odluke o izmjeni Odluke o visini komunalne takse i drugih naknada broj:01-15-97/06 od 12.10.2006.godine.

Član 8.

Ova Odluka stupa na snagu 8. dana od dana objave u Službenom glasniku općine Žepče.

Broj:01-14-184/09
Datum,22.12.2009.

PREDSJEDAVAJUĆI
OPĆINSKOG VIJEĆA
Muhamed Jusufović